

〔宋〕馬端臨著

文獻通考

第十三冊

文獻通考

〔宋〕馬端臨 著

上海師範大學古籍研究所
華東師範大學古籍研究所 點校

中
華
書
局

卷三百四 物異考十

恒陽

春秋僖公二十一年「夏，大旱」。董仲舒、劉向以爲齊桓既死，諸侯從楚，僖尤得楚心。外倚強楚，炕陽失衆，又作南門，勞民興役。諸雩旱不雨，略皆同說。宣公七年「秋，大旱」。是夏，宣與齊侯伐萊。襄公五年「秋，大雩」。先是，楚伐宋，取彭城，鄭畔中國附楚，襄與諸侯共圍彭城，城鄭虎牢以禦楚。有炕陽動衆之應。八年「九月，大雩」。時作三軍，季氏盛。二十八年「八月，大雩」。先是，比年晉使荀吳、齊使慶封來聘，是夏邾子來朝。襄有炕陽自大之應。昭公三年「八月，大雩」。劉歆以爲昭公居喪不哀，炕陽失衆。六年「九月，大雩」。時魯、莒連兵，有炕陽動衆之應。十六年「九月，大雩」。先是，昭公母夫人歸氏薨，昭不感。與三年同占。二十四年「八月，大雩」。時魯襲邾師，邾愬於晉，晉執我行人叔孫婁。二十五年「七月上辛大雩，季辛又雩」，旱甚也。劉歆以爲時后氏與季氏有隙，公信讒伐季氏，爲所敗，出奔齊。定公七年「九月，大雩」。時公侵鄭，城中城，圍鄆。莊公三十一年「冬，不雨」。是歲，一年而三築臺，奢侈不恤民。僖公二年「冬十月，不雨」。三年「春正月，不雨，夏四月，不雨」，「六月，雨」。時南敗邾，東敗莒，有炕陽之應。文公二年，「自十有二月不

雨〔三〕，至於秋七月」。文公即位，天子使叔服會葬，毛伯賜命。又會魯侯於戚。公子遂如齊納幣。又與諸侯盟。上得天子，外得諸侯，沛然自大。躋僖公主。大夫始顓事。謂季孫行父也。十年，「自正月不雨，至於秋七月」。先是，公子遂會四國而救鄭，楚使越椒來聘，秦人歸襪。有炕陽之應。十三年，「自正月不雨，至於秋七月」。先是，曹伯、杞伯、滕子來朝，邾伯來奔，秦伯使遂來聘，季孫行父城諸及鄆。二年之間，五國趨之，內城二邑。炕陽失衆。一曰，不雨而五穀皆熟，異也。文公時，大夫始專盟會，公孫敖會晉侯，又會諸侯盟於垂隴。故不雨而生者，陰不出氣而私自行，以象施不由上出，臣下作福而私自成。一曰，不雨近常陰之罰，君弱也。

秦始皇十二年，天下大旱，六月至八月乃雨。

漢惠帝五年夏，大旱，江河水少，谿谷絕。先是，發民男女十四萬六千人城長安，是歲城乃成。文

帝三年秋，天下旱。是歲夏〔四〕，匈奴寇邊，發兵擊之出塞。其秋，濟北王興居反，討平之。後六年，

天下大旱。時匈奴大人上郡、雲中，烽火通長安，遣三將軍屯邊，又三將軍屯京師。九年春〔五〕，大

旱。景帝中三年秋，大旱。後二年秋，大旱。武帝建元四年六月，旱。元光六年夏，大旱。是歲，

四將軍征匈奴。元朔五年春，大旱。是歲，六將軍衆十餘萬征匈奴。元狩三年夏，大旱。是歲，發

天下故吏伐棘上林，穿昆明池。元封六年秋，大旱。天漢元年夏，大旱；其三年夏，大旱。先是，貳

師將軍征大宛還，三將軍征匈奴〔六〕，李陵沒不還。征和元年夏，大旱。是歲，始治巫蠱。明年，衛皇

后、太子敗。昭帝始元六年，大旱。先是，大鴻臚田廣明征益州，暴師連年。元鳳五年夏，大旱。

宣帝本始三年夏^(七)，大旱，東西數千里^(八)。先是，五將軍衆二十萬征匈奴。神爵元年秋，大旱。是歲，後將軍趙充國征西羌。元帝建昭二年，大旱^(九)。成帝永始三年、四年夏，大旱。哀帝建平四年春^(一〇)，大旱。

後漢世祖建武三年七月，洛陽大旱。五年夏，旱。京房易傳曰：「欲德不用，茲謂張，厥災荒，其旱陰雲不雨，變而赤因四陰。衆出過時，茲謂廣，其旱不生。上下皆蔽，茲謂隔，其旱天赤三月，時有雹殺飛禽。上緣求妃，茲謂僭，其旱三月大溫亡雲。君高臺府，茲謂犯，陰侵陽，其旱萬物根死，有火災。庶位踰節，茲謂僭，其旱澤物枯，爲火所傷。」春秋考異郵曰：「國大旱，冤獄結。旱者，陽氣移，精不施，君上失制，奢淫僭差，氣亂感天^(一一)，則旱徵見。」又云：「陰厭陽移，君淫民惡，陰精不舒，陽偏不施。」又云：「陽偏，民怨徵也。在所以感之者，上奢則求多，求多則下竭，下竭則潰，君不仁。」管子曰：「春不收枯骨伐枯木而起去之，則夏旱。」方儲對策曰：「百姓苦，士卒煩碎，責租稅失中，暴師外營，經歷三時，內有怨女，外有曠夫。王者熟惟其祥^(一二)，揆合於天，圖之事情，旱災可除。夫旱者過日，天王無意於百姓，恩德不行，萬民煩擾，故天應以無澤。」是時天下僭逆者未盡誅，軍多過時。古今注曰：「建武六年六月，九年春，十二年五月，二十一年六月，明帝永平元年五月，八年冬，十一年八月，十五年八月^(一三)，十八年三月，並旱。」章帝章和二年夏，旱。時章帝崩後，竇太后兄弟用事奢僭。古今注曰：「建初二年夏，雒陽旱。四年夏，元和元年春，並旱。」按楊終傳，建初元年大旱，穀貴，終以爲廣陵、楚淮陽、濟南之獄徙者數萬人，吏民怨曠，上疏云久旱。孔叢曰：「建初元年大旱，天子憂之，侍御史孔豐上疏曰^(一四)：「臣聞爲不善而災報，得其應也，爲善而災至，遭時運也。陛下即位日淺，視民如傷，而不幸耗旱，時運之會耳，非政教所致也。昔成湯遭旱，因自責，省畋散積，減御損食，而大有年。意者陛下未爲成湯之事焉。」天子納其言而從之，三日雨即降。轉拜黃門郎，典東觀事。」和帝永元六年秋，

京師旱。時雒陽有冤囚，和帝幸雒陽寺，錄囚徒，理冤囚，收令下獄抵罪。行未還宮，澍雨降。古今注曰：

「永元二年，郡國十四旱。十五年，雒陽郡國二十二並旱（一五），或傷稼。」安帝古今注曰（一六）：「永初元年，郡國八旱，分遣議郎請雨。」按

本紀二年五月，旱，皇太后幸雒陽寺，錄囚徒，即日雨。六月，京師郡國四十大水。雖得水，無救為災。永初六年夏，旱。古今注曰：

三年，郡國八，四年、五年夏，並旱。」七年夏，旱。元初元年夏，旱。二年夏，旱。三年夏，旱。時西羌寇亂，軍屯相

繼，連十餘年。六年夏，旱。古今注曰：「建光元年，郡國四旱。延光元年，郡國五並旱，傷稼。」順帝永建三年夏，

早。五年夏，旱。陽嘉二年夏，旱。時李固對策，以為奢僭所致也。臣昭按：本紀元年二月，京師旱。郎顯

傳：「人君恩澤不施於民，祿去公室，臣下專權所致也。」又周舉傳：三年，河南、三輔大旱，五穀傷災，天子親自露坐德陽殿東廂請雨。」

冲帝永嘉元年夏，旱。時冲帝幼崩，太尉李固勸太后及兄梁冀立嗣帝（一七），擇年長有德者，天下賴之，則

功名不朽。年幼未可知，如後不善，悔無所及。時太后及冀貪立年幼，欲久自專，遂立質帝，八歲。此不

用德。古今注曰：「本初元年二月，京師旱。」桓帝元嘉元年夏，旱。是時梁冀秉政，妻子並受封，寵踰節。延

熹元年六月，旱。京房占曰：「人君無施澤惠利於下，則致旱也。不救，必蝗蟲害穀，其救也，貴譴罰（一八），行寬大，惠兆民，勞功吏，

賜鰥寡，粟不足。」按陳蕃上疏：「宮女多聚不御，憂悲之感，以致水旱之困也。」靈帝熹平五年夏，旱。蔡邕作伯夷叔齊碑曰「熹平

五年，天下大旱，禱請名山，求獲答應。時處士平陽蘇騰，字玄成，夢陟首陽，有神馬之使在道。明覺而思之，以其夢陟狀上聞。天子開三

府請雨使者，與郡縣戶曹掾吏登山升祠。手書要曰：「君况我聖主以洪澤之福。」天尋興雲，即降甘雨也。六年夏，旱。光和

五年夏，旱。六年夏，旱。是時常侍、黃門僭作威福。獻帝興平元年秋，長安旱。是時李傕、郭汜專

權縱肆。獻帝起居注曰：「建安十九年夏四月，旱。」

魏明帝太和二年五月，大旱。元年已來，崇廣官府之應也。又，是春宣帝擒孟達，張郃破諸葛亮，斃馬謖。亢陽自大，又其應也。太和五年三月，自去冬十月至此月不雨。辛巳，大雩。齊王正始元年二月，自去冬十二月至此月不雨。去歲，曹爽白帝，轉宣帝爲太傅，外示尊崇，內實欲令事先由己〔一九〕。時宣帝功蓋魏朝，欲德不用之應也。高貴鄉公甘露三年正月，自去秋至此月旱。時文帝圍諸葛誕，衆出過時之應也。初，壽春秋夏常雨淹城，而此旱踰年，城陷，乃大雨，咸以誕爲天亡。

吳孫權嘉禾五年〔二〇〕，自十月不雨，至於夏。孫亮五鳳二年，大旱，百姓饑。是年征役煩興，軍士怨叛。此亢陽自大，勞役失衆之罰也。其役彌歲，故旱亦竟年。孫皓寶鼎元年春夏，旱。時皓遷都武昌，勞役動衆之應。

晉武帝泰始七年五月閏月，旱，大雩。八年五月，旱。是時帝納荀勗邪說，留賈充不復西鎮，而任愷漸疏，上下皆蔽之應也。及李憙〔三一〕、魯芝、李胤等並在散職，近厥德不用之謂也。九年，自正月早，至於六月，祈宗廟社稷山川，癸未，雨。十年四月，早。去年秋冬，採擇卿校諸葛冲等女〔三二〕，是春，五十餘人入殿簡選。又取小將吏女數十人〔三三〕，母子號哭於宮中，聲聞於外，行人悲酸。是殆積陰生陽，上緣求妃之應也。咸寧二年五月，旱，大雩，至六月乃澍之戍反。又音樹。雨。太康二年，旱，自去冬至此春〔三四〕。三年四月，早。乙酉，詔司空齊王攸與尚書、廷尉、河南尹錄訊繫囚，事從蠲宥。五年六月，早。此年正月，天陰，解而復合。劉毅上疏曰：「必有阿黨之臣，姦以事君者，當誅而不赦也。」帝不答。是時荀勗、馮統僭作威福，亂朝尤甚。六年三月〔三五〕，青、梁、幽、冀郡國旱〔三六〕。六月，

濟陰、武陵旱，傷麥。七年夏，郡國十三大旱。八年四月，冀州旱。九年夏，郡國三十三旱。扶風、始平、京兆、安定旱，傷麥。十年二月，旱。太熙元年二月〔三〕，旱。自太康後，雖正人滿朝，不被親仗，而賈充、荀勗、楊駿、馮統等迭居要重。所以無年不旱者，欲德不用，上下皆蔽，庶位踰節之罰也。惠帝元康七年七月，秦、雍二州大旱，疾疫，關中饑，米斛萬錢。因此氏、羌反叛，雍州刺史解系敗績。而饑疫荐與滂同，在見反〔二〕。臻、戎晉並困，朝廷不能振，詔聽相賣鬻。其九月，郡國五旱。永寧元年，自夏及秋，青、徐、幽、并四州旱。十二月，又郡國十二旱。是年春，三王討趙王倫，六旬之中，數十戰，死者十餘萬人。懷帝永嘉三年五月，大旱。襄平縣梁水淡池竭〔五〕，河、洛、江、漢皆可涉。是年三月，司馬越歸京都，遣兵入宮，收中書令繆播等九人殺之。皆僭踰之罰也。又四方諸侯多懷無君之心，劉元海、石勒、王彌、李雄之徒，賊害百姓，流血成泥，又其應也。五年，自去冬旱至此春。去歲十一月，司馬越以行臺自隨，斥黜官衛，無君臣之節。愍帝建興元年六月〔三〕，揚州旱。去年十二月，淳于伯冤死之應。元帝太興元年六月，又旱。干寶曰「殺淳于伯之後旱三年」是也。刑罰妄加，群陰不附，則陽氣勝之罰也。元帝太興四年五月，旱。是時王敦陵僭已著。永昌元年夏，大旱。是年三月，王敦有石頭之變，二宮陵辱，大臣誅死，僭踰無上，故旱尤甚也。其閏十一月，京都大旱，川谷並竭。明帝太寧三年，自春不雨，至於六月。成帝咸和元年夏秋，旱。是時庾太后臨朝稱制，言不從而僭踰之罰也。二年夏，旱。五年五月，大旱。六年四月，大旱。八年秋七月，旱。九年，自四月不雨，至於八月。咸康元年六月，旱。是時成帝冲弱，未親萬機，內外之政，決之將相。此僭踰之

罰，連歲旱也。至四年，王導固讓太傅，復子明辟，是後不旱，殆其應也。時天下普旱，會稽、餘姚特甚，米斗直五百，人有相鬻者。二年三月，旱。三年六月，旱。時王導以天下新定，務在遵養，不任刑罰，遂盜賊公行，頻五年亢旱，亦舒緩之應也。康帝建元元年五月，旱。穆帝永和元年五月，旱。是時帝在襁褓，褚太后臨朝如明穆太后故事。五年七月，不雨，至於十月。六年夏，旱。八年夏，旱。九年春，旱。升平三年冬，大旱。四年冬，大旱。哀帝隆和元年夏，旱。是時桓溫彊恣，權制朝廷，踰僭之罰也。海西公太和元年夏，旱。四年冬，旱。涼州春旱至夏。簡文帝咸安二年十月，大旱，饑。自永和至是，嗣主幼冲，桓溫陵僭，用兵征伐，百姓怨苦。孝武帝寧康元年五月^(三)，旱。是時桓溫人覲高平陵，闔朝致拜，踰僭之應也。三年冬，旱。太元四年夏，大旱。八年六月，旱。十年七月，旱，饑。初，八年破苻堅，九年諸將略地，有事徐、豫、楊、亮、趙統攻討巴、沔。是年正月，謝安又出鎮廣陵，使子琰進次彭城，頗有軍役。十三年六月，旱。去歲北府遣戍胡陸，荊州經略河南。是年夏，郭銓置戍野王，又遣軍破黃淮。十五年七月，旱。十七年秋，旱，至冬。是時烈宗仁恕，信任會稽王道子，政事舒緩。又茹千秋爲驃騎諮議，竊弄主相威福。又比丘尼乳母親黨及婢僕之子階緣近習^(三)，臨部領衆。又所在多上春禁囚^(三)，不以其辜，建康獄吏，枉暴既甚。此又僭踰不從，冤濫之罰。安帝隆安二年冬，旱，寒甚。四年五月，旱。五年夏秋，大旱。十二月，不雨。時孫恩作亂，桓玄疑貳，迫殺殷仲堪，而朝廷即授以荊州之任，司馬元顯又諷百僚悉使敬己，內外騷動，兵甲煩興。此皆陵僭憂愁之應也。元興元年七月，大饑。九月、十月不雨，泉水涸。二年六月，不雨。冬，又

旱。時桓玄奢僭，十二月遂篡位。三年八月，不雨。義熙四年冬，不雨。六年九月，不雨。八年十月，不雨。九年秋冬，不雨。十年九月，旱。十二月，又旱，井瀆多竭。是時軍役煩興。

宋文帝元嘉八年夏六月〔三〕，旱，大雩。二十八年三月〔三〕，大旱。孝武大明七年、八年〔三〕，東諸郡大旱〔三〕，甚者米一斗數百〔三〕，都下亦至百餘錢，餓死者十六七。

梁武帝天監元年，大旱，米斗五千，人多餓死。洪範五行傳曰：「君持亢陽之節，興師動衆，勞人過度，故旱災應。」初，帝起兵襄陽，破張冲，敗陳伯之，及平建康，前後連戰，百姓勞敝，及即位後，復與魏交兵不止之應也。簡文帝大寶元年夏，大旱，人相食，都下尤甚。

陳宣帝太建十二年春，不雨，至四月。先是，周師掠淮北，始興王叔陵等諸軍敗績，淮北地皆沒於周，是其應也。

後魏孝文太和十五年，自正月不雨，至於四月。宣武景明四年，旱。正始元年，旱。永平二年，旱。三年，冀、定二州旱。延昌元年，自二月不雨，至五月。孝明神龜元年，自正月不雨，至六月。正光二年〔三〕，旱。孝靜帝天平二年，大旱。

東魏天平四年，并、肆、汾、建、晉、絳、秦、陝等諸州大旱，人多流散。是歲，齊神武與西魏戰於沙苑，敗績，死者數萬。武定二年冬春，旱。先是，西魏師入洛陽，神武親帥軍大戰於邙山，死者數萬。

後齊天保九年夏，大旱。先是，大發卒築長城四百餘里，勞役之應也。乾明元年春，旱。先是，發卒數十萬築金鳳、聖應、崇光三臺，窮極侈麗，不恤百姓，亢陽之應也。河清二年四月，并、晉已西五州

旱。是歲，發卒築軹關，突厥二十萬衆毀長城，寇恒州。後主天統二年春，旱。是時，大發卒起大明宮。

隋開皇四年已後，京師頻旱。時遷都龍首，建立宮室，百姓勞敝，亢陽之應也。大業四年，燕、代緣邊諸郡旱。時發卒百餘萬築長城，帝親巡塞表，百姓失業，道殣相望。八年，天下旱，百姓流亡。時發四海兵，帝親征高麗，六軍凍餓，死者十八九。十三年，天下大旱。時郡縣鄉邑，悉遣築城，發男女，無少長，皆就役。

唐武德三年夏，旱，至於八月乃雨。四年，自春不雨，至於七月。雨，少陰之氣，其氣毀則不雨。少陰者，金也，金爲刑，爲兵，刑不辜，兵不戢，則金氣毀，故常爲旱。火爲盛陽，陽氣强悍，故聖人制禮以節之。禮失則僭而驕亢，以導盛陽，火勝則金衰，故亦旱。於五行，土實制水，土功興則水氣壅闕，又常爲旱。天官有東井，主水事，天漢、天江，亦水祥也。水與火仇，而受制於土，土火謫見，若日蝕過分而未至，與七曜循中道之南，皆旱祥也。七年秋，關內、河東旱。貞觀元年夏，山東大旱。二年春，旱。三年春夏，旱。四年春，旱。自太上皇傳位至此，而比年水旱。九年秋，劍南、關東州二十四，旱。十二年，吳、楚、巴、蜀州二十六，旱；冬，不雨，至於明年五月。十七年春夏，旱。二十一年秋，陝、絳、蒲、夔等州旱。二十二年秋，開、萬等州旱；冬，不雨，至於明年三月。永徽元年，京畿、雍、同、絳等州十，旱。二年九月，不雨，至於明年二月。四年夏秋，旱，光、婺、滌、潁等州尤甚。顯慶五年春，河北州二十二，旱。總章元年，京師及山東、江淮大旱。二年七月，劍南州十九，旱；

冬，無雪。咸亨元年春，旱；秋，復大旱。儀鳳二年夏，河南、河北旱。三年四月，旱。永隆二年，關中旱，霜，大饑。永淳元年，關中大旱，饑。二年夏，河南、河北旱。永昌元年三月，旱。神功元年，黃、隨等州旱。久視元年夏，關內、河東旱。長安二年春，不雨，至於六月。三年冬，無雪，至於明年二月。神龍二年冬，不雨，至於明年五月。京師、山東、河北、河南旱，饑。太極元年春，旱；七月，復旱。開元二年春，大旱。十二年七月，河東、河北旱，帝親禱兩宮中，設壇席，暴立三日。九月，蒲、同等州旱。十四年秋，諸道州十五，旱。十五年，諸道州十七，旱。十六年，東都、河南、宋亳等州旱。二十四年夏，旱。永泰元年春夏，旱。二年，關內大旱，自三月不雨，至於六月。大曆六年春，旱，至於八月。建中三年，自五月不雨，至於七月。興元元年冬，大旱。貞元元年春，旱，無麥苗，至於八月，旱甚，灞、滻將竭，井皆無水。六年春，關輔大旱，無麥苗；夏，淮南、浙西、福建等道大旱，井泉竭，人暍且疫，死者甚衆。七年，揚、楚、滌、壽、澧等州旱。十四年春，旱，無麥。十五年夏，旱。十八年夏，申、光、蔡州旱。十九年正月，不雨，至七月甲戌乃雨。永貞元年秋，江、浙、淮南、荆南、湖南、鄂岳、陳許等州二十六，旱。元和三年，淮南、江南、江西、湖南、廣南、山南東西皆旱。四年春夏，大旱；秋，淮南、浙西、江西、江東旱。七年夏，揚、潤等州旱。八年夏，同、華二州旱。十五年夏，旱。寶曆元年秋，荆南、淮南、浙西、江西、湖南及宣、襄、鄂等州旱。太和元年夏，京畿、河中、同州旱。六年，河東、河南、關輔旱。七年秋，大旱。八年夏，江淮及陝、華等州旱。九年秋，京兆、河南、河中、陝華同等州旱。開成二年春夏，旱。四年夏，旱。

浙東尤甚。會昌五年春，旱。六年春，不雨；冬，又不雨，至明年二月。大中四年，大旱。咸通二年秋，淮南、河南不雨，至於明年六月。九年，江淮旱。十年夏，旱。十一年夏，旱。廣明元年春夏，大旱。中和四年，江南大旱，饑，人相食。景福二年秋，大旱。光化三年冬，京師旱，至於四年春。

宋建隆二年，京師夏旱，冬又旱。三年，京師春夏旱。河北大旱，霸州苗皆焦仆。又河南河中府、孟澤、濮、鄆、齊、濟、澶、滑、延、隰、宿等州，並春夏不雨。四年，京師夏秋旱，又懷州旱。乾德元年冬，京師旱。二年正月，京師旱；夏，不雨；冬，無雪。是歲，河南府、陝、虢、麟、博、靈、州旱，河中府旱甚。四年春至夏，京師不雨。江陵府、華、州、漣、水軍旱。五年正月，京師旱；秋，復旱；冬，無雪。開寶元年冬，京師無雪。二年夏至七月，京師不雨。三年春夏，京師旱；冬，無雪。邠、州夏旱。五年春，京師旱；冬，又旱。六年冬，京師旱。七年，京師春夏旱；冬，又旱。河南府、晉、解、州夏旱。滑、州秋旱。八年春，京師旱。是歲，關、西饑旱甚。太平興國二年正月，京師旱。三年春夏，京師旱。四年冬，京師旱。七年春，京師旱。孟、號、絳、密、瀛、衛、曹、淄、州旱。九年夏，京師旱；秋，江南大旱。雍熙二年冬，京師旱。三年冬，京師旱。四年冬，京師旱。端拱二年五月，京師旱。秋七月至十一月，旱。上憂形於色，蔬食致禱。是歲，河南、登、萊、深、冀旱甚，民多饑死，詔發倉粟貸之，人五斗。淳化元年正月至四月，不雨，京師民饑，上蔬食祈雨。河南鳳、翔、大、名、京、兆、府、許、滄、單、汝、乾、鄭、同、州旱。二年春，京師大旱，蝗，冬，復大旱。是歲，河南北、河、東、陝、西及亳、建、淮、陽等三十六州軍

早。三年夏，京師不雨，河南府、許汝亳滑商州旱。五年六月，京師旱，疫，遣太醫和藥救之。至道元年，京師春旱；冬，無雪。二年春夏，京師旱；冬，無雪。咸平元年春夏，京畿旱。又江、浙、淮南、荆湖四十六州軍旱。二年春，京師旱甚。又廣南西路、江、浙、荆湖及曹單嵐州、淮陽軍旱。三年春，京師旱。江南頻年旱歉，多疾疫。四年，京畿正月至四月不雨。景德元年，京師夏旱，人多渴死。三年夏，京師旱。大中祥符二年春夏，京師旱。河南府及陝西路、潭邢州旱。三年夏，京師、江南路及宿、潤州旱。八年春，京師旱。九年秋，京師旱。又大名府、澶相州旱。天禧元年，京師春旱；秋，又旱。夏，陝西旱。四年春，利州路旱。夏，京師旱。五年冬，京師旱。天聖二年春，不雨。八月辛未^(四)，開封府言，陽武等一十三縣大旱傷苗。六年四月，不雨。明道元年，畿縣久旱傷苗。明道二年^(四)，南方大旱，種餉皆絕，人多流亡，因饑成疫，死者十二三，官作粥糜以飼之，得食輒死。寶元元年，益州路自夏至秋不雨，兩蜀大旱。慶曆三年，京師自春至夏不雨。四年春，京師及諸路久不雨。七年正月，京師不雨。皇祐三年，恩、冀諸州旱。嘉祐五年，梓州路夏秋不雨。七年春，旱。治平元年春，京師踰時不雨。鄭滑蔡汝潁亳曹濮洺磁晉耀登等州、河中府、慶成軍旱。二年春，不雨。熙寧二年三月，旱甚。三年，畿內及諸路旱。八月，衛州旱。五年五月，北京自春至夏不雨。七年，自春至夏，河北、河東、陝西、京東西、淮南諸路久旱。九月，諸路復旱。時新復洮河亦旱，羌戶多殍死。八年四月，真定府旱^(四)。八月，淮南、兩浙、江南、荆湖等路旱。九年八月，河北、京東西、河東、陝西旱。十年春，諸路旱。元豐二年春，河北、陝西、京東西

諸路旱。三年春，西北諸路旱。五年春，旱。六年夏，畿內旱。八年，旱。元祐二年春，旱。三年秋，諸路旱，京西、陝西尤甚。四年春，京師及東北旱。五年，旱。八年秋，旱。紹聖元年春，旱。三年，江東大旱，溪河涸竭。四年夏，兩浙旱。元符元年，東南旱。二年春，京畿旱。建中靖國元年，衢、信州旱。大觀三年，淮南、江東西諸路大旱，六月不雨，至於十月。政和元年，淮南旱。三年，江東旱，疫。宣和元年，淮南秋旱。四年，東平府旱。五年夏，秦鳳路旱。是歲，燕山府路旱。建炎二年夏，旱。紹興二年，常州大旱。三年四月，旱，至於七月。五年五月，浙東、西旱五十餘日。六月，江東、湖南旱。秋，四川郡縣旱甚。六年，夔、潼、成都郡縣及湖南衡州皆旱。七年春，旱七十餘日。六月，又旱。八年冬，不雨。九年六月，旱六十餘日。十一年七月，旱。十二年三月，旱六十餘日。秋，京西、淮東旱。十八年，浙東、西旱。二十九年二月，旱七十餘日。秋，江、浙郡國旱。三十年春，階、成、鳳、西和州旱。秋，江、浙郡邑旱，浙東尤甚。隆興元年，江、浙郡縣旱，京西大旱。二年_(器)，台州春旱。興化軍、漳州大旱，首種不入，自春至於八月。乾道三年春，四川郡縣旱，至於秋七月，綿劍漢州、石泉軍尤甚。四年六月，旱。襄陽、隆興、建寧俱旱。五年夏秋，淮東旱，盱眙、淮陰爲甚。六年夏，浙東、福建路旱，溫、台、福、漳、建爲甚。七年春，江東西、湖南北、淮南、浙婺秀州皆旱，至於夏秋，江洪筠潭饒、南康興國臨江尤甚，首種不入。冬，不雨。九年，浙東婺處溫台州、江西吉贛臨江南安、湖北江陵府皆久旱，無麥苗。淳熙元年，浙東、湖南郡縣旱，台、處、郴、桂爲甚。蜀關外四州旱。二年秋，江、浙、淮皆旱，紹興鎮江寧

國建康、常和滁真揚、盱眙廣德爲甚。三年夏，浙西（豐）、常昭復隨郢金洋州、江陵德安興元、荆門漢陽皆旱。四年春，襄陽旱，首種不入。五年，浙西鎮江常州、蜀綿州及淮南、江東西旱。六年，衡永楚、高郵旱。七年，湖南旱，諸道自四月不雨，行都自七月不雨，皆至九月。越台婺常潤秀、隆興、興國臨江、江筠撫吉饒信徽池、建康、南康、舒蘄黃和、無爲、潭衡永、江陵皆大旱。八年正月甲戌，積旱始雨。七月，不雨，至於十一月。越婺衢嚴湖常、臨安鎮江、江陰、建康、饒信徽、南康廣德興國、江陵德安、鄂復、漢陽信陽荆門、昌、長寧、京西、淮郡皆旱，徽、楚、嚴、越尤甚。九年五月，不雨，至於七月。潤婺處溫洪吉撫筠袁、臨江建昌、江陵德安、潭鄂復、漢陽荆門信陽、恭合昌普資渠利閩忠涪萬、梁山南平廣安、襄陽皆旱。十年六月，旱，至於七月。江淮、建康、和、興國、恭涪瀘合金、南平旱。十一年四月，不雨，至於八月。吉贛、建昌、福泉汀漳潮梅循邕賓象、興元、金洋西和皆旱，吉、興元尤甚。冬，不雨，至明年二月。十四年五月，旱。臨安鎮江、嚴常湖秀、紹興、衢婺處明台饒信、隆興、江吉撫筠袁、臨江興國建昌皆旱。十五年，舒州旱。紹熙元年，重慶、蘄州、池州旱。二年五月，真揚通泰楚滁和、高郵盱眙及蜀普隆涪渝遂、富順監皆旱，簡、資、榮州大旱。三年夏，郢、揚、和三州大旱。秋，簡資普榮叙隆、富順監復大旱。四年，綿州大旱，亡麥。簡資普渠合州、廣安軍旱。江、浙自六月不雨，至於八月，婺台信、鎮江江陵、江西淮東旱。五年，浙東、西自去冬不雨，至於夏秋。常秀、鎮江、江陰大旱。淮東西旱，廬和濠楚爲甚。江西七郡秋旱。慶元三年，潼、利、夔路十五郡旱，自四月至於九月，金、蓬、普州大旱。六年四月，旱。常州、鎮江府大旱，水竭，淮郡自春無雨，首種不入，及京、襄皆旱。

嘉泰元年夏五月，旱。浙西郡縣及蜀郡十五皆大旱。二年春，旱，至於夏秋。浙西、湖南、江東旱，常秀潭水、鎮江建康爲甚。四年五月，不雨，至七月。浙東西（哭）、江西旱。開禧元年夏，浙東、西不雨百餘日，衢、婺、嚴、越大旱，澧、忠、涪亦大旱。二年，南康軍、江西、湖南北旱。三年二月，不雨。嘉定元年夏，旱，至七月乃雨。二年四月，旱，首種不入，至七月乃雨。浙西大旱，常、潤爲甚。淮東西、江東、湖北皆旱。四年，資、昌、普、合州旱。六年五月，不雨，至七月，江陵德安、漢陽旱。八年春，旱，首種不入，至八月乃雨。江、浙、淮、閩皆旱，衢、婺、溫、台、明、台、衢、婺、溫、福爲甚。淮郡及常州、鎮江建康、江德興國南康盱眙安豐爲甚。十年七月，不雨。十一年秋，不雨，至於冬。淮郡及常州、鎮江建康、江陰廣德旱，蔬麥皆枯。十四年，浙、閩、廣旱，明、台、衢、婺、溫、福爲甚。江西旱，贛吉、建昌爲甚。十五年五月，不雨，至七月，贛州大旱。十六年五月，不雨，岳州旱。

恒燠

春秋桓公十五年「春，亡冰」。劉向以爲周春，今冬也。成公元年二月，無冰。襄公二十八年「春，無冰」。說曰：水旱之災，寒暑之變，天下皆同，故曰「無冰」，天下異也。桓公殺兄弑君，外成宋亂，與鄭易邑，背叛周室。成公時，楚橫行中國，王札子殺召伯、毛伯，晉敗天子之師於貿戎，天子皆不能討。襄公時，天下諸侯之大夫皆執國權，君不能制。漸將日甚，善惡不明，賞罰不行（哭）。周失之舒，秦失之急，故周衰亡寒歲，秦滅亡燠年。